

ხელშეკრულება №274
სახელმწიფო შესყიდვების შესახებ

ქ. ბათუმი

17 დეკემბერი 2013 წ.

სახელმწიფო შესყიდვების განხორციელების მიზნით, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ა“ ქვეპუნქტის, „იარაღის შესახებ საქართველოს კანონის მე-9 მუხლისა და 2004 წლის 6 ივლისის „საქართველოს პრეზიდენტის ბრძანებულება №261“-ის შესაბამისად:

ერთის მხრივ, თვითმმართველი ქალაქის – ბათუმის მერია (ქ.ბათუმი, ლუკა ასათიანის ქ. №25), ქ. ბათუმის მერის ჯემალ ანანიძის სახით (შემდგომში „შემსყიდველი“) და მეორეს მხრივ, საქართველოს შსს საჯარო სამართლის იურიდიული პირი-დაცვის პოლიციის დეპარტამენტის აჭარის დაცვის პოლიციის სამმართველო (ქ. ბათუმი, ტბელ აბუსერიძის ქ. №11), სამმართველოს უფროსის კარლო ურუშაძის სახით (შემდგომში „მიმწოდებელი“), ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1 წინამდებარე ხელშეკრულების საფუძველზე „მიმწოდებელი“ თანახმაა მოქმედი კანონმდებლობის შესაბამისად განხორციელოს სსიპ „საჯარო აუდიტის ინსტიტუტი“-ს შენობის (ორბელიანის ქ. N10) (შემდგომში „ობიექტებად“ წოდებული) საპოლიციო ძალების მეშვეობით დაცვა, (CPV79700000 - გამოძიებასთან და უსაფრთხოებასთან დაკავშირებული მომსახურებები) ხოლო „შემსყიდველი“ კისრულობს ვალდებულებას გადაიხადოს მისი ღირებულება წინამდებარე ხელშეკრულებით დადგენილი წესით.

1.2 დაცვის მომსახურების მთლიანი სახელშეკრულებო თანხა შეადგენს 1700,00 (ერთიათას შვიდასი) ლარს.

1.3 შესყიდვის ობიექტის ერთეულის ფასი, მთლიანი თანხა და გადახდის გრაფიკი განისაზღვრება დანართი №1-ის მიხედვით, რომელიც წარმოადგენს ხელშეკრულების განუყოფელ ნაწილს.

მუხლი 2. მხარეთა უფლება-მოვალეობები

2.1. „შემსყიდველის“ უფლება-მოვალეობები:

2.1.1 შემსყიდველი და მიმწოდებელი მოქმედებს „სახელმწიფო შესყიდვების შესახებ“ და „პოლიციის შესახებ“ საქართველოს კანონის სრული დაცვით.

2.1.2 „მიმწოდებელს“ შეუქმნას დაცვისათვის ნორმალური საყოფაცხოვრებო-შრომითი პირობები.

2.1.3 განახორციელოს „ობიექტის“ პირველადი და შემდგომი გამოკვლევის აქტების მოთხოვნათა შესრულება და „მიმწოდებელთან“ ერთად იზრუნოს „ობიექტის“ დაცვის სრულყოფისათვის.

2.1.4 „ობიექტის“ მთლიანობის დარღვევის შემთხვევაში არ შევიდეს მასში „მიმწოდებლის“ თანამშრომლების გარეშე და არ დაიწყოს მატერიალურ ფასეულობათა აღწერა.

2.1.5 „მიმწოდებელს“ წინასწარ აცნობოს და მასთან შეთანხმებით გადაწყვიტოს „ობიექტზე“ მოსალოდნელი ყველა ის ცვლილებები, რომელიც შეეხება დაცვით მომსახურებასა და უსაფრთხოებას: („ობიექტის“ დაცვითი სიგნალიზაციით აღჭურვა, მუშაობის რეჟიმის ცვლილება და ა.შ.)

2.1.6 დაცვის თანამშრომლების მიერ ხელშეკრულებით ნაკისრი ვალდებულებების შეუსრულებლობის შესახებ წერილობით აცნობოს „მიმწოდებელს“.

2.1.7 „შემსყიდველს“ ეკრძალება დამატებითი ხელშეკრულების გაფორმების გარეშე დაავალოს დაცვის თანამშრომლებს იმ ობიექტების დაცვა, რომლებიც არ არის განსაზღვრული მოკვლევის აქტით.

2.1.8 ობიექტის დაცვის ტექნიკური საშუალებებით აღჭურავა და შეკეთება წარმოებს „შემსყიდველის“ ხარჯით, გარდა იმ შემთხვევისა, როცა ისინი მწყობრიდანაა გამოსული „მიმწოდებლის“ მიზეზით.

2.1.9 არ დაუშვას „მიმწოდებლის“ მიერ დამონტაჟებული აპარატურის გადაკეთება ან შეკეთება დაცვის პოლიციის დეპარტამენტის წარმომადგენლის გარეშე.

2.1.10 რეკვიზიტების (მისამართი, საკონტაქტო ტელეფონები) შეცვლის შემთხვევაში, დაუყოვნებლივ აცნობოს „დაცვას“.

2.1.11 შემსყიდველს უფლება აქვს განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

2.2. „მიმწოდებლის“ უფლება-მოვალეობები:

2.2.1. არ გაამჟღავნოს „შემსყიდველის“ სამსახურეობრივი საიდუმლოება.

2.2.2 უზრუნველყოს წინამდებარე ხელშეკრულების დანართში მითითებულ ობიექტებში საზოგადოებრივი წესრიგისა და მატერიალური ფასეულობების დაცვა, გამოკვლევის აქტებისა და პოლიციის განაწილებული საგუშაგოების მიხედვით.

2.2.3 მიმწოდებელი ვალდებულია დაიცვას ხელშეკრულებით გათვალისწინებული ყველა პირობა და „პოლიციის შესახებ“ კანონის მოთხოვნათა შესაბამისად კეთილსინდისიერად შეასრულოს დაკისრებული მოვალეობები.

2.2.4. არ მიიღოს „ობიექტი“ დაცვაში, თუ შეიქმნა პირობები რომლის გამოც, „მიმწოდებლისგან“ დამოუკიდებელი მიზეზებით არ ხერხდება დაცვაში აყვანა, რაზედაც „შემსყიდველს“ ეცნობება წინასწარ.

2.2.5. „მიმწოდებელი“ ზარალისათვის პასუხისმგებლობას კისრულობს „მიმწოდებლის“ მიერ დაკისრებული მოვალეობების არაჯეროვანი შესრულების შემთხვევაში.

2.2.6. ზარალის ოდენობის განსაზღვრა მოხდება, მხარეთა მონაწილეობით შედგენილი შედარების აქტით, რომელიც უნდა ეყრდნობოდეს „შემსყიდველის“ საბუღალტრო დოკუმენტაციას.

2.2.7 „შემსყიდველისათვის“ ფაქტიური ზარალის ანაზღაურებას „მიმწოდებელი“ მოახდენს ერთობლივი კომისიის დასკვნის ან სასამართლოს, კანონიერ ძალაში შესული გადაწყვეტილების საფუძველზე.

2.3. „მიმწოდებელი“ პასუხისმგებლობას არ კისრულობს თუ:

2.3.1. „შემსყიდველმა“ არ შეასრულა წინამდებარე ხელშეკრულებით გათვალისწინებული პირობები, პირველადი და შემდგომი გამოკვლევის აქტების მოთხოვნები.

2.3.2. თანამშრომელთა პირად საკუთრებაზე, რომელიც დასაცავ „ობიექტში“ დატოვებული იყო „მიმწოდებელზე“ ჩაბარების გარეშე.

2.3.3 მატერიალურ ფასეულობების ქურდობისათვის, თუ ქურდობა ჩადენილია „შემსყიდველის“ მიერ „მიმწოდებლისათვის“ „ობიექტის“ დაცვაზე ამ ხელშეკრულების შესრულებამდე ჩაუბარებლობის მიზეზით.



მუხლი 3. ანგარიშსწორება

3.1 „მიმწოდებლის“ ხარჯებს „შემსყიდველი“ იხდის ობიექტის დაცვაზე გაწეული მომსახურების მიხედვით (ობიექტის დაცვის სახეობიდან გამომდინარე დაცვის მომსახურების ღირებულება განისაზღვრება ხელშეკრულების დანართის მიხედვით).

3.2 ყოველი დაგვიანებული დღისათვის „შემსყიდველი“ ვალდებულია გადაიხადოს საურავი ჩასარიცხი თანხის 0,1%-ს.

3.3 ანგარიშსწორება „მიმწოდებელთან“ ხორციელდება საანგარიშო თვის ბოლოს, მხარეთა მიერ მომსახურების ან მისი ნაწილის შესრულების თაობაზე შესაბამისი ანგარიშ-ფაქტურის ჩაბარებიდან 5 საბანკო დღის განმავლობაში.

3.4 ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში (ლარებში), კერძოდ „მიმწოდებლის“ ანგარიშზე ჩარიცხვის გზით: ს.ს. „ლიბერთი ბანკი“ (ცენტრალური ფილიალი 480), ბანკის კოდი/SWIFT code: LBRTGE22, ანგარიშის №GE74LB0121158008584004, საიდენტიფიკაციო კოდი 211350928.

მუხლი 4. ხელშეკრულებაში ცვლილებების შეტანა

4.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ წერილობითი შესწორებების გარდა.

4.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შემტანი ვალდებულია წერილობით შეატყობინოს მეორე მხარეს შესაბამისი ინფორმაცია.

4.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 5. უფლებების გადაცემა

5.1 მიმწოდებელმა შემსყიდველის წინასწარ წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები.

მუხლი 6. ხელშეკრულების პირობების შეუსრულებლობა

6.1 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები, ყოველი დაგვიანები დღისათვის მიმწოდებელს ეკისრება პირგასამტეხლო გასაწევი მომსახურების ღირებულების 0.10 %-ის ოდენობით.

6.2 იმ შემთხვევაში, ხელშეკრულების პირობების შეუსრულებლობისა ან/და დაგვიანებით შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს განიხილოს მიმწოდებელთან ხელშეკრულების შეწყვეტის საკითხი.



6.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

6.4 თუ შემსყიდველი არ ასრულებს ხელშეკრულების სპეციფიკური პირობების მე-9 მუხლით მოთხოვნებს, მას ეკისრება პირგასამტეხლო ჩასარიცხი თანხის 0,10%-ის ოდენობით ყოველ ვადა გადაცილებულ დღეზე.

მუხლი 7. ხელშეკრულების შესრულების შეფერხება

7.1 თუ ხელშეკრულების შესრულების პროცესში მხარეები წაწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყონებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებულ აღნიშნულ გარემოებებთან დაკავშირებით.

7.2 იმ შემთხვევაში, თუ ხელშეკრულებების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

მუხლი 8. ხელშეკრულების შეწყვეტა მისი შეუსრულებლობის გამო

8.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია გაუწიოს სრული მომსახურება ან მისი ნაწილობრივ;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

8.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

8.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას.

ბ) მიმწოდებლის გაკოტრების შემთხვევაში.

გ) თუ მისთვის ცნობილი გახდება, რომ „მიმწოდებლის“ მიერ წარმოდგენილი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

8.4 „მიმწოდებელს“ შეუძლია მთლიანად ან ნაწილობრივ შეწყვიტოს ხელშეკრულება „შემსყიდველის“ მიერ ვალდებულებების შეუსრულებლობის წერილობითი შეტყობინების შემდეგ თუ „შემსყიდველი“ არ გადაიხდის ხელშეკრულებით გათვალისწინებულ მომსახურების თანხას, რომელზეც დარიცხული საჯარიმო საურავი გადაამეტებს 5%-ს.



მუხლი 9. ხელშეკრულების ინსპექტირების პირობები

9.1. ხელშეკრულების შესრულების შემსყიდველის მხიდან კონტროლს, შესრულებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმებას და ტექნიკურ ზედამხედველობას განახორციელებს ქ. ბათუმის მერიის ადმინისტრაციის მატერიალურ-ტექნიკური უზრუნველყოფის განყოფილების უფროსი ვახტანგ ქათამაძე. შემსყიდველს უფლება აქვს ხელშეკრულების მოქმედების ნებისმიერ ეტაპზე და ნებისმიერ დროს ამ პუნქტით გათვალისწინებული უფლებამოსილება ინდივიდუალურ ადმინისტრაციულ-სამართლებრივი აქტით მიანიჭოს ქ. ბათუმის მერიის სხვა თანამშრომელს ან/და შესაბამისი ხელშეკრულების საფუძველზე ნებისმიერ სხვა პირს. შემსყიდველის ასეთი გადაწყვეტილება არ საჭიროებს მიმწოდებლის არც წინასწარ და არც შემდგომ თანხმობას და იგი ძალაში შედის შესაბამის ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით დადგენილი წესით;

9.2. ხელშეკრულების შესრულების შემსყიდველის მხიდან კონტროლის, შესრულებული მომსახურების წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმების და ტექნიკური ზედამხედველობის განხორციელების უფლებამოსილების 3.1. პუნქტის შესაბამისად შესაბამის ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით გათვალისწინებულ პირზე მინიჭების შემდეგ ასეთი უფლებამოსილების მინიჭებამდე შესრულებული მომსახურების კონტროლისა და ტექნიკური ზედამხედველობის განხორციელების შედეგები და გაფორმებული მიღება-ჩაბარების აქტები ინარჩუნებს იურიდიულ ძალას.

9.3. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე მათ შორის მომსახურების ხარისხის პერიოდული ინსპექტირება.

9.4. მიმწოდებელი ვალდებულია საკუთარი რესურსებით უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში თუ შემსყიდველი ინსპექტირების მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

9.5. მიმწოდებელი ვალდებულია საკუთარი ხარჯებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

მუხლი 10. ფორს-მაჟორი

10.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველსა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, კა-

რანტინით საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისათვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

მუხლი 11. სადაო საკითხების გადაწყვეტა

11.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2 თუ ასეთი მოლაპარაკებების დაწყებიდან 30(ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

მუხლი 12. შეტყობინება

12.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

12.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

მუხლი 13. მომსახურეობისა და ხელშეკრულების მოქმედების ვადა

13.1. ობიექტის დაცვის მომსახურების განხორციელება დაიწყოს 2013 წლის 17 დეკემბრიდან და მომსახურეობის ვადა განისაზღვროს 2013 წლის 31 დეკემბრის ჩათვლით.

13.2. წინამდებარე ხელშეკრულების მოქმედების ვადაა 2014 წლის 31 იანვრის ჩათვლით პერიოდი.

მუხლი 14. გადასახადები და ბაჟები

14.1. „მიმწოდებელი“ პასუხს აგებს საქართველოს კანონმდებლობით დადგენილ გადასახადების, ბეგარის, მოსაკრებლების და სხვა გადასახადების გადახდაზე.



მუხლი 15. სხვა პირობები

15.1. ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან ერთი ეგზემპლარი რჩება „შემსყიდველს“, ხოლო მეორე ეგზემპლარი „მიმწოდებელს“.

მუხლი 16. ხელშეკრულების სხვა პირობები

16.1 ხელშეკრულების ცალმხრივად შეწყვეტისას, „შემსყიდველი“ ათი დღით ადრე აცნობებს „დაცვას“ გადაწყვეტილების შესახებ, წერილობითი ფორმით;

16.2 „შემსყიდველის“ მიერ ხელშეკრულებით გათვალისწინებული ვალდებულებების შეუსრულებლობის ან ერთი თვის სახელშეკრულებო თანხის გადაუხდელობის შემთხვევაში „მიმწოდებელი“ უფლებამოსილია ცალმხრივად შეწყვიტოს ხელშეკრულება;

16.3 სადაო საკითხებს მხარეები წყვეტენ ურთიერთშეთანხმებით, ხოლო შეთანხმების მიუღწევლობის შემთხვევაში სასამართლოს მეშვეობით;

16.4 წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წარმოადგენს ხელშეკრულების შემადგენელი და განუყოფელი ნაწილს;

მხარეთა რეკვიზიტები და ხელმოწერები:

„შემსყიდველი“

თვითმმართველი ქალაქის - ბათუმის მერია
მის.: ქ. ბათუმი, ლუკა ასათიანის ქ. №25
ს/კ 245576826; ს.ს. „ლიბერთი ბანკი“
ანგ. №GE51LB0120134812705002
ბ/კ: LBRTGE22
ქ. ბათუმი ჯემალ ანანიძე

(ხელმოწერა)



„მიმწოდებელი“

საქართველოს შსს
სსიპ-დაცვის პოლიციის
დეპარტამენტის აჭარის დაცვის
პოლიციის სამმართველო;
ს.კ. 211350928; მის.: ქ. ბათუმი,
ტბ. აბუსერიძის ქ. №11; ს.ს.
„ლიბერთი ბანკი“ (ცენტრალური ფილიალი 480),
ბ.კ./SWIFT code: LBRTGE22,
ანგ. №GE74LB0121158008584004
სამმართველოს უფროსი
კარლო ურუშაძე

(ხელმოწერა)



დანართი

№	მომსახურების დასახელება	ცვლაში უმც. ინსპექტო რის რაოდ.	მომსახურები ს ვადა	თანხა (ლარი)	დაცვის საათები	გამოსასვ ლელი დღეები
1	ობიექტის დაცვა	2	17.12-დან 31.12-მდე	1700	24	არა
ს უ ლ :				1700		




ინფორმაცია
ინტერესთა კონფლიქტის შესახებ

ქ. ბათუმი

17 დეკემბერი 2013 წ.

ვადასტურებ, რომ სსიპ „საჯარო აუდიტის ინსტიტუტი“-ს შენობის (ორბელიანის ქ. N10) დაცვის მომსახურების გამარტივებული სახელმწიფო შესყიდვის განხორციელებასთან დაკავშირებულ საქმიანობაში ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს.

ქ. ბათუმის მერი



ჯემალ ანანიძე